

《論語》全文

2020年7月校對版

據《四書章句集註》、孔陽先生《論語》講授標註句讀、讀音

說明：2020年4月，以肖俊俊、王宏煜學友所做《論語》校對稿為基礎，梁宴霖、華富、鄧迪、劉清華、查容學友做二次校對，亦將每則經文內容置於網校《論語精讀》課程每個課時的聽課頁面。7月，查容對全稿做再次校對和完善。若仍有漏誤之處，還望學友們不吝指出。

目錄

| | |
|--------------|----|
| 學而第一 | 3 |
| 爲政第二 | 5 |
| 八佾第三 | 8 |
| 里仁第四 | 11 |
| 公冶長第五 | 14 |
| 雍也第六 | 18 |
| 述而第七 | 21 |
| 泰伯第八 | 25 |
| 子罕第九 | 28 |
| 鄉黨第十 | 32 |
| 先進第十一 | 35 |
| 顏淵第十二 | 39 |
| 子路第十三 | 42 |
| 憲問第十四 | 46 |
| 衛靈公第十五 | 52 |
| 季氏第十六 | 57 |
| 陽貨第十七 | 60 |
| 微子第十八 | 64 |
| 子張第十九 | 66 |
| 堯曰第二十 | 69 |

學而第一

一之一

子曰：「學而時習之，不亦說(yuè)乎？有朋自遠(yuǎn)方來，不亦樂(lè)乎？人不知而不愠(yùn)，不亦君子乎？」

一之二

有子曰：「其爲(wéi)人也孝弟(tì)，而好(hào)犯上者，鮮(xiǎn)矣；不好(hào)犯上，而好(hào)作亂(luàn)者，未之有也。君子務本，本立而道生。孝弟(tì)也者，其爲(wéi)仁之本與(yú)！」

一之三

子曰：「巧言令色，鮮(xiǎn)矣仁！」

一之四

曾子曰：「吾日三省(xǐng)吾身：爲(wèi)人謀而不忠乎？與朋友交而不信乎？傳(chuán)不習乎？」

一之五

子曰：「道(dǎo)千乘(shèng)之國：敬事而信，節用而愛人，使民以時。」

一之六

子曰：「弟(dì)子入則孝，出則弟(tì)，謹而信，汎(fàn)愛衆(zhòng)，而親(qīn)仁。行有餘(yú)力，則以學文。」

一之七

子夏曰：「賢(xián)賢易色，事父母能竭其力，事君能致其身，與朋友交言而有信。雖曰未學，吾必謂之學矣。」

一之八

子曰：「君子不重(zhòng)則不威，學則不固。主忠信。無(wú)友不如己者，過(guò)則勿憚(dàn)改。」

一之九

曾子曰：「慎終追遠(yuǎn)，民德歸(guī)厚矣。」

一之十

子禽問於子貢曰：「夫子至於是邦也，必聞其政，求之與(yú)? 抑與(yǔ)之與(yú)?」子貢曰：「夫子溫、良、恭、儉、讓以得之。夫子之求之也，其諸異(yì)乎人之求之與(yú)?」

一之十一

子曰：「父在，觀其志；父沒(mò)，觀其行(xìng)。三年無改於父之道，可謂孝矣。」

一之十二

有子曰：「禮之用，和爲貴，先王之道斯爲美。小大由之，有所不行。知和而和，不以禮節之，亦不可行也。」

一之十三

有子曰：「信近於義(yì)，言可復也；恭近於禮，遠(yuǎn)恥(chǐ)辱也；因不失其親，亦可宗也。」

一之十四

子曰：「君子食無求飽，居無求安，敏於事而慎於言，就有道而正焉，可謂好學也已。」

一之十五

子貢曰：「貧而無諂，富而無驕，何如？」子曰：「可也。未若貧而樂(lè)，富而好(hào)禮者也。」子貢曰：「《詩》云：『如切如磋，如琢如磨。』其斯之謂與(yú)?」子曰：「賜也，始可與言《詩》已矣！告諸往而知來者。」

一之十六

子曰：「不患人之不己知，患不知人也。」

爲政第二

二之一

子曰：「爲政以德，譬(pì)如北辰，居其所而衆(zhòng)星共(gǒng)之。」

二之二

子曰：「《詩》三百，一言以蔽(bì)之，曰『思無邪』。」

二之三

子曰：「道(dǎo)之以政，齊(qí)之以刑，民免而無恥(chǐ)；道(dǎo)之以德，齊之以禮，有恥且格。」

二之四

子曰：「吾十有(yòu)五而志於學，三十而立，四十而不惑，五十而知天命，六十而耳順，七十而從心所欲，不踰(yú)矩(jǔ)。」

二之五

孟懿(yì)子問孝。子曰：「無違(wéi)。」樊遲(chí)御，子告之曰：「孟孫問孝於我，我對曰『無違』。」樊遲曰：「何謂也？」子曰：「生，事之以禮；死，葬之以禮，祭之以禮。」

二之六

孟武伯問孝。子曰：「父母唯其疾之憂(yōu)。」

二之七

子游問孝。子曰：「今之孝者，是謂能養(yǎng)。至於犬馬，皆能有養；不敬，何以別乎？」

二之八

子夏問孝。子曰：「色難。有事弟子服其勞，有酒食(sì)先生饌(zhùan)，曾(zēng)是以爲孝乎？」

二之九

子曰：「吾與回言終日，不違(wéi)如愚。退而省(xǐng)其私，亦足以發。回也不愚。」

二之十

子曰：「視其所以，觀其所由，察其所安。人焉廋(sōu)哉？人焉廋哉？」

二之十一

子曰：「溫故而知新，可以為師矣。」

二之十二

子曰：「君子不器。」

二之十三

子貢問君子。子曰：「先行其言而後從之。」

二之十四

子曰：「君子周而不比，小人比而不周。」

二之十五

子曰：「學而不思則罔，思而不學則殆。」

二之十六

子曰：「攻乎異(yì)端，斯害也已！」

二之十七

子曰：「由！誨女(rǔ)知之乎？知之為知之，不知為不知，是知(zhì)也。」

二之十八

子張學干祿。子曰：「多聞闕(quē)疑，慎言其餘，則寡尤；多見闕殆，慎行其餘，則寡悔。言寡尤，行寡悔，祿在其中矣。」

二之十九

哀公問曰：「何為則民服？」孔子對曰：「舉直錯諸枉，則民服；舉枉錯諸直，則民不服。」

二之二十

季康子問：「使民敬、忠以勸(quàn)，如之何？」子曰：「臨之以莊則敬，孝慈則

忠，舉善而教不能則勸。」

二之二一

或謂孔子曰：「子奚(xī)不爲政？」子曰：「《書》云：『孝乎惟孝，友於兄弟，施於有政。』是亦爲政，奚其爲爲政？」

二之二二

子曰：「人而無信，不知其可也。大車無輓(ní)，小車無軌(yuè)，其何以行之哉？」

二之二三

子張問：「十世可知也？」子曰：「殷因於夏禮，所損益，可知也；周因於殷禮，所損益，可知也；其或繼周者，雖百世可知也。」

二之二四

子曰：「非其鬼而祭之，諂(chǎn)也。見義(yì)不爲，無勇也。」

八佾(yì)第三

三之一

孔子謂季氏：「八佾(yì)舞於庭，是可忍也，孰不可忍也？」

三之二

三家者以雍徹(chè)。子曰：「『相(xiàng)維辟(pì)公，天子穆穆』，奚取於三家之堂？」

三之三

子曰：「人而不仁，如禮何？人而不仁，如樂(yuè)何？」

三之四

林放問禮之本。子曰：「大哉問！禮，與其奢也，寧(nìng)儉；喪(sāng)，與其易也，寧戚(qī)。」

三之五

子曰：「夷狄(yí dí)之有君，不如諸夏之亡(wú)也。」

三之六

季氏旅於泰山。子謂冉有曰：「女(rǔ)弗能救與？」對曰：「不能。」子曰：「嗚呼！曾(zēng)謂泰山，不如林放乎？」

三之七

子曰：「君子無所爭，必也射乎！揖(yī)讓而升，下而飲(yìn)，其爭也君子。」

三之八

子夏問曰：「『巧笑倩兮，美目盼兮，素以爲絢兮。』何謂也？」子曰：「繪事後素。」曰：「禮後乎？」子曰：「起予者商也，始可與言《詩》已矣。」

三之九

子曰：「夏禮吾能言之，杞(qǐ)不足徵(zhēng)也；殷禮吾能言之，宋不足徵(zhēng)也。文獻(xiàn)不足故也，足則吾能徵(zhēng)之矣。」

三之十

子曰：「禘(dì)自既灌而往者，吾不欲觀之矣。」

三之十一

或問禘(dì)之說(shuō)。子曰：「不知也。知其說者之於天下也，其如示諸斯乎！」指其掌。

三之十二

祭如在，祭神如神在。子曰：「吾不與(yù)祭，如不祭。」

三之十三

王孫賈(jiǎ)問曰：「與其媚於奧，寧(nìng)媚於竈(zào)。何謂也？」子曰：「不然，獲(huò)罪於天，無所禱(dǎo)也。」

三之十四

子曰：「周監(jiān)於二代，郁郁乎文哉！吾從周。」

三之十五

子入大(tài)廟(miào)，每事問。或曰：「孰謂鄒(zōu)人之子知禮乎？入大(tài)廟，每事問。」子聞之曰：「是禮也。」

三之十六

子曰：「射不主皮，爲(wèi)力不同科，古之道也。」

三之十七

子貢欲去告朔之餼(xì)羊。子曰：「賜也，爾(ěr)愛其羊，我愛其禮。」

三之十八

子曰：「事君盡(jìn)禮，人以爲諂(chǎn)也。」

三之十九

定公問：「君使臣，臣事君，如之何？」孔子對曰：「君使臣以禮，臣事君以忠。」

三之二十

子曰：「《關雎(jū)》，樂(lè)而不淫，哀而不傷(shāng)。」

三之二一

哀公問社於宰我。宰我對曰：「夏后氏以松，殷人以柏，周人以栗(lì)，曰使民戰(zhàn)栗。」子聞之曰：「成事不說(shuō)，遂事不諫，既往不咎。」

三之二二

子曰：「管仲(zhòng)之器小哉！」或曰：「管仲儉乎？」曰：「管氏有三歸(guī)，官事不攝，焉得儉？」「然則管仲知禮乎？」曰：「邦君樹塞(sè)門，管氏亦樹塞(sè)門；邦君爲兩君之好(hào)，有反坫(diàn)，管氏亦有反坫(diàn)。管氏而知禮，孰不知禮？」

三之二三

子語(yù)魯大(tài)師樂(yuè)。曰：「樂(yuè)其可知也：始作，翕(xī)如也；從(zòng)之，純如也，皦(jiǎo)如也，繹(yì)如也，以成。」

三之二四

儀封人請見(xiàn)。曰：「君子之至於斯也，吾未嘗(cháng)不得見(jiàn)也。」從(cóng)者見(xiàn)之。出曰：「二三子，何患於喪(sàng)乎？天下之無道也久矣，天將以夫子爲木鐸(duó)。」

三之二五

子謂韶(sháo)，「盡(jìn)美矣，又盡善也」。謂武，「盡美矣，未盡善也」。

三之二六

子曰：「居上不寬(kuān)，爲禮不敬，臨喪(sāng)不哀，吾何以觀(guān)之哉？」

里仁第四

四之一

子曰：「里仁爲美。擇不處(chǔ)仁，焉得知(zhì)？」

四之二

子曰：「不仁者不可以久處(chǔ)約，不可以長處樂(lè)。仁者安仁，知(zhì)者利仁。」

四之三

子曰：「唯仁者能好(hào)人，能惡(wù)人。」

四之四

子曰：「苟志於仁矣，無惡(è)也。」

四之五

子曰：「富與貴是人之所欲也，不以其道得之，不處(chǔ)也；貧與賤是人之所惡(wù)也，不以其道得之，不去也。君子去仁，惡(wū)乎成名？君子無終食之間違(wéi)仁，造次必於是，顛沛必於是。」

四之六

子曰：「我未見好(hào)仁者，惡(wù)不仁者。好仁者，無以尚之；惡(wù)不仁者，其爲仁矣，不使不仁者加乎其身。有能一日用其力於仁矣乎？我未見力不足者。蓋(gài)有之矣，我未之見也。」

四之七

子曰：「人之過也，各於其黨(dǎng)。觀過，斯知仁矣。」

四之八

子曰：「朝(zhāo)聞道，夕死可矣。」

四之九

子曰：「士志於道，而恥(chǐ)惡(è)衣惡(è)食者，未足與議也。」

四之十

子曰：「君子之於天下也，無適(dí)也，無莫也，義(yì)之與比。」

四之十一

子曰：「君子懷(huái)德，小人懷土；君子懷刑，小人懷惠。」

四之十二

子曰：「放(fǎng)於利而行，多怨。」

四之十三

子曰：「能以禮讓爲國乎？何有？不能以禮讓爲國，如禮何？」

四之十四

子曰：「不患無位，患所以立；不患莫己知，求爲可知也。」

四之十五

子曰：「參(shēn)乎！吾道一以貫之。」曾子曰：「唯。」子出。門人問曰：「何謂也？」曾子曰：「夫子之道，忠恕而已矣。」

四之十六

子曰：「君子喻於義(yì)，小人喻於利。」

四之十七

子曰：「見賢思齊(qí)焉，見不賢而內自省(xǐng)也。」

四之十八

子曰：「事父母幾(jī)諫(jiàn)。見志不從(cóng)，又敬不違(wéi)，勞而不怨。」

四之十九

子曰：「父母在，不遠(yuǎn)遊。遊必有方。」

四之二十

子曰：「三年無改於父之道，可謂孝矣。」

四之二一

子曰：「父母之年，不可不知也。一則以喜，一則以懼(jù)。」

四之二二

子曰：「古者言之不出，恥(chǐ)躬之不逮(dài)也。」

四之二三

子曰：「以約失之者鮮(xiǎn)矣。」

四之二四

子曰：「君子欲訥(nè)於言而敏於行(xìng)。」

四之二五

子曰：「德不孤，必有鄰(lín)。」

四之二六

子游曰：「事君數(shuò)，斯辱矣，朋友數(shuò)，斯疏矣。」

公冶(yě)長第五

五之一

子謂公冶(yě)長，「可妻(qì)也。雖(suī)在縲(léi)紲(xiè)之中，非其罪也」。以其子妻(qì)之。子謂南容，「邦有道，不廢；邦無道，免於刑戮」。以其兄之子妻(qì)之。

五之二

子謂子賤：「君子哉若人！魯無君子者，斯焉取斯？」

五之三

子貢問曰：「賜也何如？」子曰：「女(rǔ)器也。」曰：「何器也？」曰：「瑚(hú)璉(lián)也。」

五之四

或曰：「雍也仁而不佞(nèng)。」子曰：「焉用佞？禦(yù)人以口給(jì)，屢(lǚ)憎(zēng)於人。不知其仁，焉用佞？」

五之五

子使漆雕開仕。對曰：「吾斯之未能信。」子說(yuè)。

五之六

子曰：「道不行，乘桴(fú)浮於海。從我者其由與？」子路聞之喜。子曰：「由也好(hào)勇過我，無所取材。」

五之七

孟武伯問：「子路仁乎？」子曰：「不知(zhī)也。」又問。子曰：「由也，千乘(shèng)之國，可使治其賦也，不知其仁也。」「求也何如？」子曰：「求也，千室之邑(yì)，百乘(shèng)之家，可使爲之宰(zǎi)也，不知其仁也。」「赤也何如？」子曰：「赤也，束帶立於朝，可使與賓(bīn)客言也，不知其仁也。」

五之八

子謂子貢曰：「女(rǔ)與回也孰愈？」對曰：「賜也何敢望回。回也聞一以知十，賜也聞一以知二。」子曰：「弗如也！吾與女(rǔ)，弗如也。」

五之九

宰予晝(zhòu)寢。子曰：「朽木不可雕也，糞(fèn)土之牆(qiáng)不可朽(wū)也，於予與(yú)何誅。」子曰：「始吾於人也，聽(tīng)其言而信其行；今吾於人也，聽其言而觀(guān)其行。於予與(yú)改是。」

五之十

子曰：「吾未見剛者。」或對曰：「申枲(chéng)。」子曰：「枲(chéng)也慾(yù)，焉得剛？」

五之十一

子貢曰：「我不欲人之加諸我也，吾亦欲無加諸人。」子曰：「賜也，非爾(ěr)所及也。」

五之十二

子貢曰：「夫子之文章，可得而聞也；夫子之言性與天道，不可得而聞也。」

五之十三

子路有(yǒu)聞，未之能行，唯恐有(yòu)聞。

五之十四

子貢問曰：「孔文子何以謂之文也？」子曰：「敏而好學，不恥(chǐ)下問，是以謂之文也。」

五之十五

子謂子產(chǎn)，「有君子之道四焉：其行己也恭，其事上也敬，其養(yǎng)民也惠，其使民也義(yì)」。

五之十六

子曰：「晏平仲(zhòng)善與人交，久而敬之。」

五之十七

子曰：「臧(zāng)文仲(zhòng)居蔡，山節(jié)藻梲(zhuō)，何如其知(zhì)也？」

五之十八

子張問曰：「令尹(yīn)子文三仕爲令尹，無喜色；三已之，無愠(yùn)色。舊

(jiù)令尹之政，必以告新令尹。何如？」子曰：「忠矣。」曰：「仁矣乎？」曰：「未知(zhì)，焉得仁？」「崔子弑(shì)齊(qí)君，陳文子有馬十乘(shèng)，棄(qì)而違(wéi)之。至於他邦，則曰：『猶(yóu)吾大夫崔子也。』違之。之一邦，則又曰：『猶吾大夫崔子也。』違之。何如？」子曰：「清矣。」曰：「仁矣乎？」曰：「未知(zhì)，焉得仁？」

五之十九

季文子三思而後行。子聞之，曰：「再，斯可矣。」

五之二十

子曰：「甯(nìng)武子邦有道則知(zhì)，邦無道則愚。其知(zhì)可及也，其愚不可及也。」

五之二一

子在陳曰：「歸(guī)與！歸與！吾黨之小子狂簡(jiǎn)，斐然成章，不知所以裁之。」

五之二二

子曰：「伯夷(yí)、叔齊(qí)不念舊(jiù)惡，怨是用希。」

五之二三

子曰：「孰謂微生高直？或乞醢(xī)焉，乞諸其鄰(lín)而與之。」

五之二四

子曰：「巧言、令色、足(jù)恭，左丘明恥(chǐ)之，丘亦恥之。匿怨而友其人，左丘明恥之，丘亦恥之。」

五之二五

顏淵、季路侍。子曰：「盍(hé)各言爾(ěr)志？」子路曰：「願車馬、衣(yì)輕裘，與朋友共。敝(bì)之而無憾。」顏淵曰：「願無伐善，無施勞。」子路曰：「願聞子之志。」子曰：「老者安之，朋友信之，少者懷(huái)之。」

五之二六

子曰：「已矣乎！吾未見能見其過而內自訟者也。」

五之二七

子曰：「十室之邑，必有忠信如丘者焉，不如丘之好學也。」

雍也第六

六之一

子曰：「雍也可使南面。」仲(zhòng)弓問子桑伯子，子曰：「可也簡。」仲弓曰：「居敬而行簡，以臨其民，不亦可乎？居簡而行簡，無乃大(tài)簡乎？」子曰：「雍之言然。」

六之二

哀公問：「弟子孰爲好(hào)學？」孔子對曰：「有顏回者好學，不遷(qiān)怒，不貳(èr)過。不幸短命死矣！今也則亡(wú)，未聞好學者也。」

六之三

子華(huá)使於齊(qí)，冉子爲(wèi)其母請粟(sù)。子曰：「與之釜(fǔ)。」請益。曰：「與之庾(yǔ)。」冉子與之粟五秉。子曰：「赤之適(shì)齊(qí)也，乘肥馬，衣(yì)輕裘。吾聞之也，君子周急不繼富。」原思爲之宰，與之粟九百，辭(cí)。子曰：「毋(wú)！以與爾(ěr)鄰里鄉(xiāng)黨(dǎng)乎！」

六之四

子謂仲(zhòng)弓曰：「犁(lí)牛之子騂(xīng)且角，雖欲勿用，山川其舍諸？」

六之五

子曰：「回也，其心三月不違(wéi)仁，其餘(yú)則日月至焉而已矣。」

六之六

季康子問：「仲(zhòng)由可使從政也與？」子曰：「由也果，於從政乎何有？」曰：「賜也，可使從政也與？」曰：「賜也達(dá)，於從政乎何有？」曰：「求也，可使從政也與？」曰：「求也藝(yì)，於從政乎何有？」

六之七

季氏使閔(mǐn)子騫(qiān)爲費(bì)宰。閔子騫曰：「善爲(wèi)我辭(cí)焉。如有復我者，則吾必在汶(wèn)上矣。」

六之八

伯牛有疾，子問之，自牖(yǒu)執(zhí)其手，曰：「亡(wáng)之，命矣夫(fú)！斯人也而有斯疾也！斯人也而有斯疾也！」

六之九

子曰：「賢哉，回也！一簞食(sì)，一瓢(piáo)飲，在陋巷。人不堪其憂(yōu)，回也不改其樂(lè)。賢(xián)哉，回也！」

六之十

冉求曰：「非不說(yuè)子之道，力不足也。」子曰：「力不足者，中道而廢(fèi)。今女(rǚ)畫(huà)。」

六之十一

子謂子夏曰：「女(rǚ)爲君子儒，無爲小人儒。」

六之十二

子游爲武城宰。子曰：「女(rǚ)得人焉爾(ěr)乎？」曰：「有澹(tán)臺(tái)滅(miè)明者，行不由徑。非公事，未嘗(cháng)至於偃(yǎn)之室也。」

六之十三

子曰：「孟之反不伐，奔而殿。將入門，策其馬，曰：『非敢後也，馬不進也。』」

六之十四

子曰：「不有祝鮒(tuó)之佞(nìng)而有宋朝(zhāo)之美，難(nán)乎免於今之世矣！」

六之十五

子曰：「誰能出不由戶？何莫由斯道也？」

六之十六

子曰：「質(zhì)勝(shèng)文則野，文勝質則史。文質彬彬，然後君子。」

六之十七

子曰：「人之生也直，罔(wǎng)之生也幸而免。」

六之十八

子曰：「知(zhī)之者不如好(hào)之者，好(hào)之者不如樂(lè)之者。」

六之十九

子曰：「中人以上，可以語(yù)上也；中人以下，不可以語(yù)上也。」

六之二十

樊遲(chí)問知(zhì)。子曰：「務民之義(yì)，敬鬼神而遠(yuǎn)之，可謂知(zhì)矣。」問仁。曰：「仁者先難而後獲(huò)，可謂仁矣。」

六之二一

子曰：「知(zhì)者樂水，仁者樂山；知(zhì)者動，仁者靜；知(zhì)者樂(lè)，仁者壽(shòu)。」

六之二二

子曰：「齊(qí)一變(biàn)，至於魯；魯一變，至於道。」

六之二三

子曰：「觚(gū)不觚，觚哉！觚哉！」

六之二四

宰我問曰：「仁者，雖告之曰：『井有仁焉。』其從之也？」子曰：「何爲其然也？君子可逝也，不可陷也；可欺也，不可罔也。」

六之二五

子曰：「君子博學於文，約之以禮，亦可以弗畔(pàn)矣夫！」

六之二六

子見南子，子路不說(yuè)。夫子矢(shǐ)之曰：「予所否者，天厭(yàn)之！天厭之！」

六之二七

子曰：「中庸之爲德也，其至矣乎！民鮮(xiǎn)久矣。」

六之二八

子貢曰：「如有博施於民而能濟(jì)眾(zhòng)，何如？可謂仁乎？」子曰：「何事於仁，必也聖(shèng)乎！堯(yáo)舜其猶(yóu)病諸！夫(fú)仁者，己欲立而立人，己欲達(dá)而達人。能近取譬(pì)，可謂仁之方也已。」

述而第七

七之一

子曰：「述而不作，信而好(hào)古，竊(qiè)比於我老彭。」

七之二

子曰：「默而識(zhì)之，學而不厭，誨人不倦，何有於我哉？」

七之三

子曰：「德之不脩(xiū)，學之不講，聞義(yì)不能徙(xǐ)，不善不能改，是吾憂(yōu)也。」

七之四

子之燕居，申申如也，夭夭(yāo)如也。

七之五

子曰：「甚矣吾衰也！久矣吾不復夢見周公。」

七之六

子曰：「志於道，據(jù)於德，依於仁，游於藝(yì)。」

七之七

子曰：「自行束脩(xiū)以上，吾未嘗(cháng)無誨(huì)焉。」

七之八

子曰：「不憤不啟，不悱(fěi)不發，舉一隅(yú)不以三隅反，則不復也。」

七之九

子食於有喪者之側，未嘗(cháng)飽也。子於是日哭，則不歌。

七之十

子謂顏淵曰：「用之則行，舍之則藏，唯我與爾(ěr)有是夫(fú)！」子路曰：「子行三軍，則誰與？」子曰：「暴虎馮(féng)河，死而無悔者，吾不與也。必也臨事而懼(jù)，好謀而成者也。」

七之十一

子曰：「富而可求也，雖執鞭之士，吾亦爲之。如不可求，從吾所好(hào)。」

七之十二

子之所慎：齊(zhāi)，戰，疾。

七之十三

子在齊(qí)聞韶，三月不知肉味。曰：「不圖(tú)為樂(yuè)之至於斯也！」

七之十四

冉有曰：「夫子爲(wèi)衛(wèi)君乎？」子貢曰：「諾。吾將問之。」入，曰：「伯夷(yí)、叔齊(qí)何人也？」曰：「古之賢人也。」曰：「怨乎？」曰：「求仁而得仁，又何怨。」出，曰：「夫子不爲(wèi)也。」

七之十五

子曰：「飯疏食(sì)飲水，曲肱(gōng)而枕之，樂亦在其中矣。不義(yì)而富且貴，於我如浮雲。」

七之十六

子曰：「加(jiā)我數年，五十以學《易》，可以無大過矣。」

七之十七

子所雅言，詩、書、執禮，皆雅言也。

七之十八

葉(shè)公問孔子於子路，子路不對。子曰：「女(rǚ)奚(xī)不曰，其爲人也，發憤忘食，樂以忘憂(yōu)，不知老之將至云爾(ěr)。」

七之十九

子曰：「我非生而知之者，好古，敏以求之者也。」

七之二十

子不語怪、力、亂(luàn)、神。

七之二一

子曰：「三人行，必有我師焉。擇其善者而從之，其不善者而改之。」

七之二二

子曰：「天生德於予，桓(huán)魋(tuí)其如予何？」

七之二三

子曰：「二三子以我爲隱乎？吾無隱乎爾(ěr)。吾無行而不與二三子者，是丘也。」

七之二四

子以四教：文，行，忠，信。

七之二五

子曰：「聖(shèng)人，吾不得而見之矣；得見君子者，斯可矣。」子曰：「善人，吾不得而見之矣；得見有恆者，斯可矣。亡(wú)而爲有，虛而爲盈，約而爲泰，難乎有恆矣。」

七之二六

子釣而不綱(gāng)，弋(yì)不射宿。

七之二七

子曰：「蓋(gài)有不知而作之者，我無是也。多聞，擇其善者而從之，多見而識(zhì)之，知之次也。」

七之二八

互鄉難與言，童子見(xiàn)，門人惑。子曰：「與其進也，不與其退也，唯何甚！人潔(jié)己以進，與其潔也，不保其往也。」

七之二九

子曰：「仁遠(yuǎn)乎哉？我欲仁，斯仁至矣。」

七之三十

陳司敗問昭公知禮乎？孔子曰：「知禮。」孔子退，揖(yī)巫馬期而進之，曰：「吾聞君子不黨(dǎng)，君子亦黨乎？君取於吳爲同姓，謂之吳孟子。君而知禮，

孰不知禮？」巫馬期以告。子曰：「丘也幸，苟有過，人必知之。」

七之三一

子與人歌而善，必使反之，而後和(hè)之。

七之三二

子曰：「文，莫吾猶(yóu)人也。躬行君子，則吾未之有得。」

七之三三

子曰：「若聖(shèng)與仁，則吾豈(qǐ)敢？抑爲之不厭，誨(huì)人不倦，則可謂云爾(ěr)已矣。」公西華曰：「正唯弟子不能學也。」

七之三四

子疾病，子路請禱(dǎo)。子曰：「有諸？」子路對曰：「有之。誄(lěi)曰：『禱爾(ěr)于上下神祇(qí)。』」子曰：「丘之禱久矣。」

七之三五

子曰：「奢則不孫(xùn)，儉則固。與其不孫也，寧固。」

七之三六

子曰：「君子坦蕩蕩，小人長戚戚。」

七之三七

子溫而厲，威而不猛，恭而安。

泰伯第八

八之一

子曰：「泰伯，其可謂至德也已矣！三以天下讓，民無得而稱(chēng)焉。」

八之二

子曰：「恭而無禮則勞，慎而無禮則蕙(xǐ)，勇而無禮則亂(luàn)，直而無禮則絞。君子篤(dǔ)於親，則民興(xīng)於仁；故舊(jiù)不遺，則民不偷。」

八之三

曾子有疾，召門弟子曰：「啟予足！啟予手！《詩》云：『戰戰兢兢，如臨深淵，如履薄冰。』而今而後，吾知免夫(fú)！小子！」

八之四

曾子有疾，孟敬子問之。曾子言曰：「鳥之將死，其鳴也哀；人之將死，其言也善。君子所貴乎道者三：動容貌，斯遠(yuǎn)暴慢矣；正顏色，斯近信矣；出辭(cí)氣，斯遠鄙倍矣。籩(biān)豆之事，則有司存。」

八之五

曾子曰：「以能問於不能，以多問於寡；有若無，實若虛，犯而不校(jiào)，昔者吾友嘗(cháng)從事於斯矣。」

八之六

曾子曰：「可以託(tuō)六尺之孤，可以寄百里之命，臨大節而不可奪(dúo)也。君子人與(yú)？君子人也。」

八之七

曾子曰：「士不可以不弘毅，任重而道遠(yuǎn)。仁以爲己任，不亦重乎？死而後已，不亦遠乎？」

八之八

子曰：「興(xīng)於《詩》，立於禮，成於樂。」

八之九

子曰：「民可使由之，不可使知之。」

八之十

子曰：「好(hào)勇疾貧，亂(luàn)也。人而不仁，疾之已甚，亂也。」

八之十一

子曰：「如有周公之才之美，使驕且吝，其餘不足觀也已。」

八之十二

子曰：「三年學，不至於穀(gǔ)，不易得也。」

八之十三

子曰：「篤信好學，守死善道。危邦不入，亂(luàn)邦不居。天下有道則見(xiàn)，無道則隱。邦有道，貧且賤焉，恥(chǐ)也；邦無道，富且貴焉，恥也。」

八之十四

子曰：「不在其位，不謀其政。」

八之十五

子曰：「師摯之始，闕雎(jū)之亂(luàn)，洋洋乎！盈耳哉。」

八之十六

子曰：「狂而不直，侗(tōng)而不愿，忞(kōng)忞而不信，吾不知之矣。」

八之十七

子曰：「學如不及，猶(yóu)恐失之。」

八之十八

子曰：「巍巍乎！舜禹之有天下也，而不與(yù)焉。」

八之十九

子曰：「大哉堯(yáo)之爲君也！巍巍乎！唯天爲大，唯堯則之。蕩蕩乎！民無能名焉。巍巍乎！其有成功也；煥乎，其有文章！」

八之二十

舜有臣五人而天下治。武王曰：「予有亂(luàn)臣十人。」孔子曰：「才難，不其

然乎？唐虞之際，於斯為盛。有婦(fù)人焉，九人而已。三分天下有其二，以服事殷。周之德，其可謂至德也已矣。」

八之二一

子曰：「禹，吾無間(jiàn)然矣。菲(fěi)飲食，而致孝乎鬼神；惡(è)衣服，而致美乎黻(fú)冕(miǎn)；卑宮室，而盡力乎溝(gōu)洫(xù)。禹，吾無間然矣。」

子罕第九

九之一

子罕言利與命與仁。

九之二

達(dá)巷黨(dǎng)人曰：「大哉孔子！博學而無所成名。」子聞之，謂門弟子曰：「吾何執？執御乎？執射乎？吾執御矣。」

九之三

子曰：「麻冕(miǎn)，禮也；今也純，儉。吾從眾(zhòng)。拜下，禮也；今拜乎上，泰也。雖違(wéi)眾，吾從下。」

九之四

子絕四：毋(wú)意，毋必，毋固，毋我。

九之五

子畏於匡(kuāng)。曰：「文王既沒(mò)，文不在茲(zī)乎？天之將喪斯文也，後死者不得與(yù)於斯文也；天之未喪斯文也，匡(kuāng)人其如予何？」

九之六

大(tài)宰問於子貢曰：「夫子聖(shèng)者與(yú)？何其多能也？」子貢曰：「固天縱之將聖，又多能也。」子聞之，曰：「大宰知我乎！吾少也賤，故多能鄙事。君子多乎哉？不多也。」牢曰：「子云，『吾不試，故藝(yì)。』」

九之七

子曰：「吾有知乎哉？無知也。有鄙夫問於我，空空如也，我叩其兩端而竭焉。」

九之八

子曰：「鳳鳥不至，河不出圖(tú)，吾已矣夫！」

九之九

子見齊(zī)衰(cuī)者、冕(miǎn)衣裳(cháng)者與瞽(gǔ)者，見之，雖少(shào)必作；過之，必趨(qū)。

九之十

顏淵喟然歎曰：「仰之彌高，鑽(zuān)之彌堅；瞻之在前，忽焉在後。夫子循循然善誘人，博我以文，約我以禮。欲罷(bà)不能，既竭吾才，如有所立卓爾(ěr)。雖欲從之，末由也已。」

九之十一

子疾病，子路使門人爲臣。病間(jiàn)，曰：「久矣哉！由之行詐也！無臣而爲有臣。吾誰欺？欺天乎？且予與其死於臣之手也，無寧死於二三子之手乎？且予縱不得大葬，予死於道路乎？」

九之十二

子貢曰：「有美玉於斯，韞(yùn)匱(dú)而藏諸？求善賈(jià)而沽諸？」子曰：「沽之哉！沽之哉！我待賈者也。」

九之十三

子欲居九夷(yí)。或曰：「陋，如之何！」子曰：「君子居之，何陋之有？」

九之十四

子曰：「吾自衛反魯，然後樂(yuè)正，《雅》《頌》各得其所。」

九之十五

子曰：「出則事公卿，入則事父兄，喪事不敢不勉，不爲酒困，何有於我哉？」

九之十六

子在川上，曰：「逝者如斯夫(fú)！不舍晝(zhòu)夜。」

九之十七

子曰：「吾未見好德如好色者也。」

九之十八

子曰：「譬如爲山，未成一簣(kuì)，止，吾止也；譬如平地，雖覆一簣，進，吾往也。」

九之十九

子曰：「語(yù)之而不惰者，其回也與(yú)！」

九之二十

子謂顏淵，曰：「惜乎！吾見其進也，未見其止也。」

九之二一

子曰：「苗而不秀者有矣夫！秀而不實者有矣夫！」

九之二二

子曰：「後生可畏，焉知來者之不如今也？四十、五十而無聞焉，斯亦不足畏也已。」

九之二三

子曰：「法語之言，能無從乎？改之爲貴。巽(xùn)與(yǔ)之言，能無說(yuè)乎？繹(yì)之爲貴。說而不繹，從而不改，吾末如之何也已矣。」

九之二四

子曰：「主忠信，毋(wú)友不如己者，過則勿憚改。」

九之二五

子曰：「三軍可奪(duó)帥也，匹夫不可奪志也。」

九之二六

子曰：「衣(yì)敝緼(yùn)袍，與衣(yì)狐貉(hé)者立，而不恥(chǐ)者，其由也與？『不忤(zhì)不求，何用不臧(zāng)？』」子路終身誦之。子曰：「是道也，何足以臧？」

九之二七

子曰：「歲(suì)寒，然後知松柏之後彫(diāo)也。」

九之二八

子曰：「知(zhì)者不惑，仁者不憂(yōu)，勇者不懼(jù)。」

九之二九

子曰：「可與(yǔ)共學，未可與適(shì)道；可與適道，未可與立；可與立，未可與權。」

九之三十

「唐棣之華(huā)，偏(piān)其反而。豈(qǐ)不爾(ěr)思？室是遠(yuǎn)而。」
子曰：「未之思也，夫(fú)何遠之有？」

鄉(xiāng)黨(dǎng)第十

十之一

孔子於鄉(xiāng)黨(dǎng)，恂(xún)恂如也，似不能言者。

十之二

其在宗廟朝廷，便(pián)便言，唯謹爾(ěr)。

十之三

朝(cháo)，與下大夫言，侃侃如也；與上大夫言，誾(yín)誾如也。君在，蹶(cù)蹶(jí)如也，與與(yú)如也。

十之四

君召使擯(bìn)，色勃如也，足躩(jué)如也。揖(yī)所與立，左右手。衣前後，襜(chān)如也。趨(qū)進，翼如也。賓退，必復命曰：「賓不顧矣。」

十之五

入公門，鞠躬如也，如不容。立不中門，行不履闕(yù)。過位，色勃如也，足躩(jué)如也，其言似不足者。攝齊(zī)升堂，鞠躬如也，屏氣似不息者。出，降一等，逞顏色，怡怡如也。沒(mò)階(jiē)趨(qū)，翼如也。復其位，蹶(cù)蹶(jí)如也。

十之六

執圭，鞠躬如也，如不勝(shēng)。上如揖，下如授。勃如戰色，足蹢蹢(sù)，如有循。享禮，有容色。私覲(dí)，愉愉如也。

十之七

君子不以紺(gān)緹(zōu)飾。紅紫不以爲褻服。當暑，袗(zhěn)絺(chī)綌(xì)，必表而出之。緇衣羔裘，素衣麕(ní)裘，黃衣狐裘。褻(xiè)裘長，短右袂(mèi)。必有寢衣，長一身有半。狐貉(hé)之厚以居。去喪，無所不佩。非帷裳(cháng)，必殺(shà)之。羔裘玄冠不以弔(diào)。吉月，必朝(cháo)服而朝(cháo)。

十之八

齊(zhāi)，必有明衣，布。齊(zhāi)，必變食，居必遷(qiān)坐。

十之九

食(sì)不厭精，膾(kuài)不厭細。食(sì)饁(yì)而餲(ài)，魚餒(něi)而肉敗，不食(shí)。色惡(è)，不食(shí)。臭(xiù)惡，不食(shí)。失飪(rèn)，不食(shí)。不時，不食(shí)。割不正，不食(shí)。不得其醬，不食(shí)。肉雖多，不使勝(shēng)食(sì)氣。惟酒無量，不及亂(luàn)。沽酒市脯(fǔ)不食(shí)。不撤薑(jiāng)食(shí)。不多食(shí)。祭于公，不宿肉。祭肉不出三日。出三日，不食(shí)之矣。食(shí)不語，寢不言。雖疏食(sì)菜羹，瓜祭，必齊(zhāi)如也。

十之十

席不正，不坐。

十之十一

鄉人飲酒，杖者出，斯出矣。鄉人儺(nuó)，朝(cháo)服而立於阼(zuò)階(jiē)。

十之十二

問人於他邦，再拜而送之。康子饋藥(yào)，拜而受之。曰：「丘未達(dá)，不敢嘗(cháng)。」

十之十三

廄(jiù)焚。子退朝，曰：「傷(shāng)人乎？」不問馬。

十之十四

君賜食，必正席先嘗(cháng)之；君賜腥，必熟而薦(jiàn)之；君賜生，必畜(xù)之。侍食(shí)於君，君祭，先飯。疾，君視之，東首，加朝服，拖紳(shēn)。君命召，不俟(sì)駕行矣。

十之十五

入太廟，每事問。

十之十六

朋友死，無所歸(guī)。曰：「於我殯(bìn)。」朋友之饋，雖車馬，非祭肉，不拜。

十之十七

寢不尸，居不容。見齊(zī)衰(cuī)者，雖狎(xiá)，必變(biàn)。見冕(miǎn)者與瞽(gǔ)者，雖褻(xiè)，必以貌。凶服者式之。式負版者。有盛饌(zhuàn)，必變色而作。迅雷風烈，必變。升車，必正立執綏(suí)。車中，不內顧，不疾言，不親指。

十之十八

色斯舉矣，翔而後集。曰：「山梁雌(cí)雉(zhì)，時哉！時哉！」子路共(gōng)之，三嗅(xiù)而作。

先進第十一

十一之一

子曰：「先進於禮樂(yuè)，野人也；後進於禮樂，君子也。如用之，則吾從先進。」

十一之二

子曰：「從我於陳蔡者，皆不及門也。」德行：顏淵，閔(mǐn)子騫(qiān)，冉伯牛，仲(zhòng)弓。言語：宰我，子貢。政事：冉有，季路。文學：子游，子夏。

十一之三

子曰：「回也非助我者也！於吾言無所不說(yuè)。」

十一之四

子曰：「孝哉閔子騫(qiān)！人不間(jiàn)於其父母昆弟之言。」

十一之五

南容三復白圭，孔子以其兄之子妻(qi)之。

十一之六

季康子問：「弟子孰為好(hào)學？」孔子對曰：「有顏回者好(hào)學，不幸短命死矣！今也則亡(wú)。」

十一之七

顏淵死，顏路請子之車以為之椁(guǒ)。子曰：「才不才，亦各言其子也。鯉也死，有棺而無椁。吾不徒行以為之椁。以吾從大夫之後，不可徒行也。」

十一之八

顏淵死，子曰：「噫！天喪(sàng)予！天喪予！」

十一之九

顏淵死，子哭之慟(tòng)。從(cóng)者曰：「子慟矣。」曰：「有慟乎？非夫(fú)人之為(wèi)慟而誰為(wèi)！」

十一之十

顏淵死，門人欲厚葬之，子曰：「不可。」門人厚葬之。子曰：「回也視予猶

(yóu)父也，予不得視猶子也。非我也，夫(fú)二三子也。」

十一之十一

季路問事鬼神。子曰：「未能事人，焉能事鬼？」「敢問死。」曰：「未知生，焉知死？」

十一之十二

閔(mǐn)子侍側，閻(yín)閻如也；子路，行(hàng)行如也；冉有、子貢，侃侃如也。子樂(lè)。「若由也，不得其死然。」

十一之十三

魯人爲長府。閔子騫(qiān)曰：「仍舊(jiù)貫，如之何？何必改作？」子曰：「夫(fú)人不言，言必有中(zhòng)。」

十一之十四

子曰：「由之瑟(sè)奚(xī)爲於丘之門？」門人不敬子路。子曰：「由也升堂矣，未入於室也。」

十一之十五

子貢問：「師與商也孰(shú)賢？」子曰：「師也過，商也不及。」曰：「然則師愈與(yú)？」子曰：「過猶(yóu)不及。」

十一之十六

季氏富於周公，而求也爲(wèi)之聚斂而附益之。子曰：「非吾徒也。小子鳴鼓而攻之，可也。」

十一之十七

柴也愚，參(shēn)也魯，師也辟(bì)，由也嘑(yàn)。

十一之十八

子曰：「回也其庶乎，屢(lǚ)空。賜不受命，而貨殖焉，億(yì)則屢中(zhòng)。」

十一之十九

子張問善人之道。子曰：「不踐跡(jì)，亦不入於室。」

十一之二十

子曰：「論篤(dǔ)是與(yú)，君子者乎？色莊者乎？」

十一之二一

子路問：「聞斯行諸？」子曰：「有父兄在，如之何其聞斯行之？」冉有問：「聞斯行諸？」子曰：「聞斯行之。」公西華曰：「由也問聞斯行諸，子曰『有父兄在』；求也問聞斯行諸，子曰『聞斯行之』。赤也惑，敢問。」子曰：「求也退，故進之；由也兼人，故退之。」

十一之二二

子畏於匡，顏淵後。子曰：「吾以女(rǚ)爲死矣。」曰：「子在，回何敢死？」

十一之二三

季子然問：「仲(zhòng)由、冉求可謂大臣與(yú)？」子曰：「吾以子爲異(yì)之問，曾(zēng)由與求之問。所謂大臣者：以道事君，不可則止。今由與求也，可謂具臣矣。」曰：「然則從之者與(yú)？」子曰：「弑(shì)父與君，亦不從也。」

十一之二四

子路使子羔爲費(bì)宰。子曰：「賊夫(fú)人之子。」子路曰：「有民人焉，有社稷焉。何必讀書，然後爲學？」子曰：「是故惡(wù)夫(fú)佞(nìng)者。」

十一之二五

子路、曾皙(xī)、冉有、公西華侍坐。子曰：「以吾一日長(zhǎng)乎爾(ěr)，毋(wú)吾以也。居則曰：『不吾知也！』如或知爾(ěr)，則何以哉？」子路率爾而對曰：「千乘(shèng)之國，攝乎大國之間，加之以師旅，因之以饑饉(jǐn)，由也爲之，比及三年，可使有勇，且知方也。」夫子哂(shěn)之。「求！爾(ěr)何如？」對曰：「方六七十，如五六十，求也爲之，比及三年，可使足民。如其禮樂(yuè)，以俟(sì)君子。」「赤！爾何如？」對曰：「非曰能之，願學焉。宗廟之事，如會同，端章甫(fǔ)，願爲小相(xiàng)焉。」「點！爾何如？」鼓瑟希，鏗(kēng)爾(ěr)，舍(shě)瑟而作。對曰：「異(yì)乎三子者之撰。」子曰：「何傷(shāng)乎？亦各言其志也。」曰：「莫(mù)春者，春服既成。冠(guàn)者五六人，童子六七人，浴乎沂(yí)，風乎舞雩(yú)，詠而歸(guī)。」夫子喟然歎曰：「吾與點也！」三子者出，曾皙(xī)後。曾皙曰：「夫(fú)三子者之言何如？」子曰：「亦各言其志也已矣。」曰：「夫子何哂(shěn)由也？」曰：「爲國以禮，其言不讓，是故哂之。」「唯求則非邦也與(yú)？」「安見方六七十如五六十而非

邦也者？」「唯赤則非邦也與(yú)？」「宗廟會同，非諸侯而何？赤也爲之小，孰能爲之大？」

顏淵第十二

十二之一

顏淵問仁。子曰：「克己復禮爲仁。一日克己復禮，天下歸(guī)仁焉。爲仁由己，而由人乎哉？」顏淵曰：「請問其目。」子曰：「非禮勿視，非禮勿聽(tīng)，非禮勿言，非禮勿動。」顏淵曰：「回雖不敏，請事斯語矣。」

十二之二

仲(zhòng)弓問仁。子曰：「出門如見大賓，使民如承大祭。己所不欲，勿施於人。在邦無怨，在家無怨。」仲弓曰：「雍雖不敏，請事斯語矣。」

十二之三

司馬牛問仁。子曰：「仁者其言也訥(rèn)。」曰：「其言也訥，斯謂之仁已乎？」子曰：「爲之難，言之得無訥乎？」

十二之四

司馬牛問君子。子曰：「君子不憂(yōu)不懼(jù)。」曰：「不憂不懼，斯謂之君子已乎？」子曰：「內省(xǐng)不疚，夫(fú)何憂何懼？」

十二之五

司馬牛憂(yōu)曰：「人皆有兄弟，我獨(dú)亡(wú)。」子夏曰：「商聞之矣：死生有命，富貴在天。君子敬而無失，與人恭而有禮。四海之內，皆兄弟也。君子何患乎無兄弟也？」

十二之六

子張問明。子曰：「浸潤之譖(zèn)，膚(fū)受之愬(sù)，不行焉，可謂明也已矣。浸潤之譖，膚受之愬，不行焉，可謂遠(yuǎn)也已矣。」

十二之七

子貢問政。子曰：「足食，足兵，民信之矣。」子貢曰：「必不得已而去，於斯三者何先？」曰：「去兵。」子貢曰：「必不得已而去，於斯二者何先？」曰：「去食。自古皆有死，民無信不立。」

十二之八

棘(jí)子成曰：「君子質而已矣，何以文爲？」子貢曰：「惜乎！夫子之說君子也。」

駟(sì)不及舌。文猶(yóu)質也，質猶文也。虎豹之鞞(kuò)猶犬羊之鞞。」

十二之九

哀公問於有若曰：「年饑(jī)，用不足，如之何？」有若對曰：「盍(hé)徹(chè)乎？」曰：「二，吾猶(yóu)不足，如之何其徹也？」對曰：「百姓足，君孰與不足？百姓不足，君孰與足？」

十二之十

子張問崇德、辨惑。子曰：「主忠信，徙(xǐ)義(yì)，崇德也。愛之欲其生，惡(wù)之欲其死。既欲其生，又欲其死，是惑也。『誠不以富，亦祇(zhǐ)以異(yì)』。」

十二之十一

齊(qí)景公問政於孔子。孔子對曰：「君君，臣臣，父父，子子。」公曰：「善哉！信如君不君，臣不臣，父不父，子不子，雖有粟(sù)，吾得而食諸？」

十二之十二

子曰：「片言可以折獄(yù)者，其由也與(yú)？」子路無宿(sù)諾。

十二之十三

子曰：「聽(tīng)訟，吾猶(yóu)人也，必也使無訟乎！」

十二之十四

子張問政。子曰：「居之無倦，行之以忠。」

十二之十五

子曰：「博學於文，約之以禮，亦可以弗畔(pàn)矣夫！」

十二之十六

子曰：「君子成人之美，不成人之惡。小人反是。」

十二之十七

季康子問政於孔子。孔子對曰：「政者，正也。子帥以正，孰敢不正？」

十二之十八

季康子患盜，問於孔子。孔子對曰：「苟子之不欲，雖賞之不竊(qiè)。」

十二之十九

季康子問政於孔子曰：「如殺無道，以就有道，何如？」孔子對曰：「子爲政，焉用殺？子欲善而民善矣。君子之德風，小人之德草。草上之風，必偃(yǎn)。」

十二之二十

子張問：「士何如斯可謂之達(dá)矣？」子曰：「何哉，爾(ěr)所謂達者？」子張對曰：「在邦必聞，在家必聞。」子曰：「是聞也，非達也。夫達也者，質直而好(hào)義(yì)，察言而觀色，慮(lù)以下人。在邦必達，在家必達。夫聞也者，色取仁而行違(wéi)，居之不疑。在邦必聞，在家必聞。」

十二之二一

樊遲(chí)從遊於舞雩(yú)之下，曰：「敢問崇德、脩(xiū)慝(tè)、辨惑。」子曰：「善哉問！先事後得，非崇德與(yú)？攻其惡，無攻人之惡，非脩慝與？一朝之忿(fèn)，忘其身，以及其親，非惑與？」

十二之二二

樊遲(chí)問仁。子曰：「愛人。」問知(zhì)。子曰：「知(zhī)人。」樊遲未達(dá)。子曰：「舉直錯諸枉，能使枉者直。」樊遲退，見子夏。曰：「鄉(xiàng)也吾見於夫子而問知(zhì)，子曰：『舉直錯諸枉，能使枉者直』，何謂也？」子夏曰：「富哉言乎！舜有天下，選於眾(zhòng)，舉皋(gāo)陶(yáo)，不仁者遠(yuǎn)矣。湯有天下，選於眾，舉伊尹，不仁者遠矣。」

十二之二三

子貢問友。子曰：「忠告而善道(dǎo)之，不可則止，無自辱焉。」

十二之二四

曾子曰：「君子以文會友，以友輔仁。」

子路第十三

十三之一

子路問政。子曰：「先之，勞之。」請益。曰：「無倦。」

十三之二

仲(zhòng)弓爲季氏宰，問政。子曰：「先有司，赦小過，舉賢才。」曰：「焉知賢才而舉之？」曰：「舉爾(ěr)所知。爾所不知，人其舍諸？」

十三之三

子路曰：「衛(wèi)君待子而爲政，子將奚(xī)先？」子曰：「必也正名乎！」子路曰：「有是哉，子之迂(yū)也！奚(xī)其正？」子曰：「野哉由也！君子於其所不知，蓋(gài)闕(quē)如也。名不正，則言不順；言不順，則事不成；事不成，則禮樂(yuè)不興(xīng)；禮樂不興，則刑罰不中(zhòng)；刑罰不中，則民無所措手足。故君子名之必可言也，言之必可行也。君子於其言，無所苟而已矣。」

十三之四

樊(fán)遲(chí)請學稼(jià)，子曰：「吾不如老農。」請學爲圃(pǔ)。曰：「吾不如老圃。」樊遲出。子曰：「小人哉，樊須也！上好(hào)禮，則民莫敢不敬；上好義(yì)，則民莫敢不服；上好信，則民莫敢不用情。夫(fú)如是，則四方之民襁(qiǎng)負其子而至矣，焉用稼？」

十三之五

子曰：「誦詩三百，授之以政，不達(dá)；使於四方，不能專(zhuān)對，雖多，亦奚(xī)以爲？」

十三之六

子曰：「其身正，不令而行；其身不正，雖令不從。」

十三之七

子曰：「魯衛(wèi)之政，兄弟也。」

十三之八

子謂衛(wèi)公子荆(jīng)，「善居室。始有，曰：『苟合矣。』少有，曰：『苟完矣。』富有，曰：『苟美矣。』」

十三之九

子適(shì)衛(wèi)，冉有僕(pú)。子曰：「庶矣哉！」冉有曰：「既庶矣，又何加焉？」曰：「富之。」曰：「既富矣，又何加焉？」曰：「教(jiào)之。」

十三之十

子曰：「苟有用我者，朞(jī)月而已可也，三年有成。」

十三之十一

子曰：「善人爲邦百年，亦可以勝殘去殺矣。誠哉是言也！」

十三之十二

子曰：「如有王者，必世而後仁。」

十三之十三

子曰：「苟正其身矣，於從政乎何有？不能正其身，如正人何？」

十三之十四

冉子退朝，子曰：「何晏(yàn)也？」對曰：「有政。」子曰：「其事也。如有政，雖不吾以，吾其與(yù)聞之。」

十三之十五

定公問：「一言而可以興(xīng)邦，有諸？」孔子對曰：「言不可以若是其幾(jī)也。人之言曰：『爲君難，爲臣不易。』如知爲君之難也，不幾乎一言而興邦乎？」曰：「一言而喪(sàng)邦，有諸？」孔子對曰：「言不可以若是其幾也。人之言曰：『予無樂(lè)乎爲君，唯其言而莫予違(wéi)也。』如其善而莫之違也，不亦善乎？如不善而莫之違也，不幾乎一言而喪(sàng)邦乎？」

十三之十六

葉(shè)公問政。子曰：「近者說(yuè)，遠(yuǎn)者來。」

十三之十七

子夏爲莒(jǔ)父(fù)宰，問政。子曰：「無欲速，無見小利。欲速，則不達(dá)；見小利，則大事不成。」

十三之十八

葉(shè)公語(yù)孔子曰：「吾黨(dǎng)有直躬者，其父攘(rǎng)羊，而子證(zhèng)之。」孔子曰：「吾黨之直者異(yì)於是。父爲(wèi)子隱，子爲(wèi)父隱，直在其中矣。」

十三之十九

樊遲(chí)問仁。子曰：「居處(chǔ)恭，執事敬，與人忠。雖之夷狄(yí dí)，不可棄(qì)也。」

十三之二十

子貢問曰：「何如斯可謂之士矣？」子曰：「行己有恥(chǐ)，使於四方，不辱君命；可謂士矣。」曰：「敢問其次。」曰：「宗族稱(chēng)孝焉，鄉(xiāng)黨稱弟(tì)焉。」曰：「敢問其次。」曰：「言必信，行必果，硜(kēng)然小人哉！抑亦可以爲次矣。」曰：「今之從政者何如？」子曰：「噫！斗筲(shāo)之人，何足算也。」

十三之二一

子曰：「不得中行而與之，必也狂狷(juàn)乎！狂者進取，狷者有所不爲也。」

十三之二二

子曰：「南人有言曰：『人而無恆(héng)，不可以作巫醫。』善夫(fú)！」「不恆其德，或承之羞。」子曰：「不占而已矣。」

十三之二三

子曰：「君子和而不同，小人同而不和。」

十三之二四

子貢問曰：「鄉(xiāng)人皆好(hào)之，何如？」子曰：「未可也。」「鄉人皆惡(wù)之，何如？」子曰：「未可也，不如鄉人之善者好之，其不善者惡之。」

十三之二五

子曰：「君子易事而難說(yuè)也：說(yuè)之不以道，不說也；及其使人也，器之。小人難事而易說(yuè)也：說(yuè)之雖(suī)不以道，說也；及其使人也，求備(bèi)焉。」

十三之二六

子曰：「君子泰而不驕，小人驕而不泰。」

十三之二七

子曰：「剛毅木訥，近仁。」

十三之二八

子路問曰：「何如斯可謂之士矣？」子曰：「切切偲(sī)偲，怡怡如也，可謂士矣。朋友切切偲偲，兄弟怡怡。」

十三之二九

子曰：「善人教(jiào)民七年，亦可以即戎(róng)矣。」

十三之三十

子曰：「以不教(jiào)民戰，是謂棄(qì)之。」

憲(xiàn)問第十四

十四之一

憲(xiàn)問恥(chǐ)。子曰：「邦有道，穀(gǔ)；邦無道，穀，恥也。」

十四之二

「克、伐、怨、欲不行焉，可以爲仁矣？」子曰：「可以爲難矣，仁則吾不知也。」

十四之三

子曰：「士而懷(huái)居，不足以爲士矣。」

十四之四

子曰：「邦有道，危言危行；邦無道，危行言孫(xùn)。」

十四之五

子曰：「有德者必有言，有言者不必有德；仁者必有勇，勇者不必有仁。」

十四之六

南宮适(kuò)問於孔子曰：「羿善射，奭(ào)盪(dàng)舟，俱不得其死然；禹稷躬稼(jià)，而有天下。」夫子不答，南宮适(kuò)出。子曰：「君子哉若人！尚德哉若人！」

十四之七

子曰：「君子而不仁者有矣夫(fú)，未有小人而仁者也。」

十四之八

子曰：「愛之，能勿勞乎？忠焉，能勿誨(huì)乎？」

十四之九

子曰：「爲命：裨(bì)諶(chén)草創之，世叔討論之，行人子羽脩飾之，東里子產(chǎn)潤色之。」

十四之十

或問子產(chǎn)。子曰：「惠人也。」問子西。曰：「彼哉！彼哉！」問管仲(zhòng)。曰：「人也。奪(dú)伯氏駢(pián)邑三百，飯疏食(sì)，沒(mò)齒無怨言。」

十四之十一

子曰：「貧而無怨難，富而無驕易。」

十四之十二

子曰：「孟公綽(chuò)爲趙魏老則優(yōu)，不可以爲滕薛大夫。」

十四之十三

子路問成人。子曰：「若臧(zāng)武仲(zhòng)之知(zhì)，公綽(chuò)之不欲，卞(biàn)莊子之勇，冉求之藝(yì)，文之以禮樂(yuè)，亦可以爲成人矣。」曰：「今之成人者何必然？見利思義(yì)，見危授命，久要(yāo)不忘平生之言，亦可爲成人矣。」

十四之十四

子問公叔文子於公明賈(jiǎ)曰：「信乎夫子不言、不笑、不取乎？」公明賈對曰：「以告者過也。夫子時然後言，人不厭(yàn)其言；樂(lè)然後笑，人不厭其笑；義(yì)然後取，人不厭其取。」子曰：「其然，豈(qǐ)其然乎？」

十四之十五

子曰：「臧(zāng)武仲(zhòng)以防求爲後於魯，雖曰不要(yāo)君，吾不信也。」

十四之十六

子曰：「晉文公譎(jué)而不正，齊(qí)桓(huán)公正而不譎。」

十四之十七

子路曰：「桓(huán)公殺公子糾，召(shào)忽死之，管仲(zhòng)不死。」曰：「未仁乎？」子曰：「桓公九合諸侯，不以兵車，管仲之力也。如其仁！如其仁！」

十四之十八

子貢曰：「管仲(zhòng)非仁者與(yú)？桓(huán)公殺公子糾，不能死，又相(xiàng)之。」子曰：「管仲相桓公，霸諸侯，一匡(kuāng)天下，民至于今受其賜。微管仲，吾其被(pī)髮(fà)左衽(rèn)矣。豈(qǐ)若匹夫匹婦(fù)之爲諒(liàng)也，自經於溝(gōu)瀆(dú)而莫之知也。」

十四之十九

公叔文子之臣大夫僕(zhuàn)，與文子同升諸公。子聞之曰：「可以爲文矣。」

十四之二十

子言衛(wèi)靈(líng)公之無道也，康子曰：「夫(fú)如是，奚(xī)而不喪(sàng)?」孔子曰：「仲(zhòng)叔圉(yǔ)治賓客，祝鮒(tuó)治宗廟(miào)，王孫賈(jiǎ)治軍旅。夫如是，奚(xī)其喪(sàng)?」

十四之二一

子曰：「其言之不忤(zuò)，則爲之也難。」

十四之二二

陳成子弑(shì)簡公。孔子沐浴而朝(cháo)，告於哀公曰：「陳恆(héng)弑其君，請討之。」公曰：「告夫(fú)三子！」孔子曰：「以吾從大夫之後，不敢不告也。君曰『告夫三子』者。」之三子告，不可。孔子曰：「以吾從大夫之後，不敢不告也。」

十四之二三

子路問事君。子曰：「勿欺也，而犯之。」

十四之二四

子曰：「君子上達(dá)，小人下達。」

十四之二五

子曰：「古之學者爲(wèi)己，今之學者爲人。」

十四之二六

蘧(qú)伯玉使人於孔子，孔子與之坐而問焉，曰：「夫子何爲？」對曰：「夫子欲寡其過而未能也。」使者出。子曰：「使乎！使乎！」

十四之二七

子曰：「不在其位，不謀其政。」

十四之二八

曾子曰：「君子思不出其位。」

十四之二九

子曰：「君子恥(chǐ)其言而過其行。」

十四之三十

子曰：「君子道者三，我無能焉：仁者不憂(yōu)，知(zhì)者不惑，勇者不懼(jù)。」子貢曰：「夫子自道也。」

十四之三十一

子貢方人。子曰：「賜也賢乎哉？夫我則不暇。」

十四之三二

子曰：「不患人之不己知，患其不能也。」

十四之三三

子曰：「不逆詐，不億(yì)不信。抑亦先覺者，是賢乎！」

十四之三四

微生畝(mǔ)謂孔子曰：「丘何爲是栖栖(qī)者與？無乃爲佞(nìng)乎？」孔子曰：「非敢爲佞也，疾固也。」

十四之三五

子曰：「驥(jì)不稱(chēng)其力，稱其德也。」

十四之三六

或曰：「以德報怨，何如？」子曰：「何以報德？以直報怨，以德報德。」

十四之三七

子曰：「莫我知也夫(fú)！」子貢曰：「何爲其莫知子也？」子曰：「不怨天，不尤人。下學而上達(dá)，知我者其天乎！」

十四之三八

公伯寮(liáo)愬(sù)子路於季孫。子服景伯以告，曰：「夫子固有惑志於公伯寮，吾力猶(yóu)能肆諸市朝(cháo)。」子曰：「道之將行也與(yú)？命也。道之將廢也與？命也。公伯寮(liáo)其如命何！」

十四之三九

子曰：「賢者辟(bì)世，其次辟地，其次辟色，其次辟言。」

十四之四十

子曰：「作者七人矣。」

十四之四一

子擊(jī)磬(qìng)於衛。有荷(hè)蕢(kuì)而過孔氏之門者，曰：「有心哉！擊磬乎！」既而曰：「鄙哉！硜(kēng)硜乎！莫己知也，斯己而已矣。深則厲(lì)，淺則揭(qì)。」子曰：「果哉！末之難矣。」

十四之四二

子路宿(sù)於石門。晨門曰：「奚(xī)自？」子路曰：「自孔氏。」曰：「是知其不可而爲之者與(yú)？」

十四之四三

子張曰：「書云：『高宗諒(liàng)陰(yīn)，三年不言。』何謂也？」子曰：「何必高宗，古之人皆然。君薨(hōng)，百官總(zǒng)己以聽(tīng)於冢(zhǒng)宰三年。」

十四之四四

子曰：「上好(hào)禮，則民易使也。」

十四之四五

子路問君子。子曰：「脩(xiū)己以敬。」曰：「如斯而已乎？」曰：「脩己以安人。」曰：「如斯而已乎？」曰：「脩己以安百姓。脩己以安百姓，堯(yáo)舜其猶(yóu)病諸！」

十四之四六

原壤夷(yí)俟(sì)。子曰：「幼而不孫(xùn)弟(tì)，長(zhǎng)而無述焉，老而不死，是爲賊！」以杖叩其脛(jìng)。

十四之四七

闕(quē)黨(dǎng)童子將命。或問之曰：「益者與(yú)？」子曰：「吾見其居於位

也，見其與(yǔ)先生並行也，非求益者也，欲速成者也。」

衛(wèi)靈(líng)公第十五

十五之一

衛(wèi)靈(líng)公問陳(zhèn)於孔子。孔子對曰：「俎(zǔ)豆之事，則嘗(cháng)聞之矣；軍旅之事，未之學也。」明日遂行。在陳絕糧，從(cóng)者病，莫能興(xīng)。子路慍(yùn)見曰：「君子亦有窮(qióng)乎？」子曰：「君子固窮，小人窮斯濫矣。」

十五之二

子曰：「賜也，女(rǔ)以予為多學而識(zhì)之者與(yú)？」對曰：「然，非與(yú)？」曰：「非也，予一以貫之。」

十五之三

子曰：「由！知德者鮮(xiǎn)矣。」

十五之四

子曰：「無為而治者，其舜也與(yú)！夫何為哉，恭己正南面而已矣。」

十五之五

子張問行。子曰：「言忠信，行篤(dǔ)敬，雖蠻(mán)貊(mò)之邦行矣；言不忠信，行不篤敬，雖州里行乎哉？立，則見其參於前也；在輿(yú)，則見其倚於衡也。夫然後行。」子張書諸紳(shēn)。

十五之六

子曰：「直哉史魚！邦有道，如矢(shǐ)；邦無道，如矢。君子哉蘧(qú)伯玉！邦有道，則仕；邦無道，則可卷而懷(huái)之。」

十五之七

子曰：「可與言而不與之言，失人；不可與言而與之言，失言。知(zhì)者不失人，亦不失言。」

十五之八

子曰：「志士仁人，無求生以害仁，有殺身以成仁。」

十五之九

子貢問為仁。子曰：「工欲善其事，必先利其器。居是邦也，事其大夫之賢者，友其士之仁者。」

十五之十

顏淵問為邦。子曰：「行夏之時，乘殷之輅(lù)，服周之冕(miǎn)，樂(yuè)則韶(sháo)舞。放鄭(zhèng)聲(shēng)，遠(yuǎn)佞(nìng)人。鄭聲淫，佞人殆。」

十五之十一

子曰：「人無遠(yuǎn)慮，必有近憂(yōu)。」

十五之十二

子曰：「已矣乎！吾未見好(hào)德如好(hào)色者也。」

十五之十三

子曰：「臧(zāng)文仲(zhòng)其竊(qiè)位者與(yú)？知柳下惠之賢，而不與(yǔ)立也。」

十五之十四

子曰：「躬自厚而薄(bó)責於人，則遠(yuǎn)怨矣。」

十五之十五

子曰：「不曰『如之何如之何』者，吾末如之何也已矣。」

十五之十六

子曰：「羣(qún)居終日，言不及義(yì)，好(hào)行小慧，難矣哉！」

十五之十七

子曰：「君子義(yì)以為質，禮以行之，孫(xùn)以出之，信以成之。君子哉！」

十五之十八

子曰：「君子病無能焉，不病人之不己知也。」

十五之十九

子曰：「君子疾沒世而名不稱(chēng)焉。」

十五之二十

子曰：「君子求諸己，小人求諸人。」

十五之二一

子曰：「君子矜(jīn)而不爭，羣(qún)而不黨(dǎng)。」

十五之二二

子曰：「君子不以言舉人，不以人廢言。」

十五之二三

子貢問曰：「有一言而可以終身行之者乎？」子曰：「其恕乎！己所不欲，勿施於人。」

十五之二四

子曰：「吾之於人也，誰毀誰譽(yù)？如有所譽者，其有所試矣。斯民也，三代之所以直道而行也。」

十五之二五

子曰：「吾猶(yóu)及史之闕(quē)文也，有馬者借人乘(chéng)之。今亡(wú)矣夫！」

十五之二六

子曰：「巧言亂(luàn)德，小不忍則亂大謀。」

十五之二七

子曰：「眾(zhòng)惡(wù)之，必察焉；眾好(hào)之，必察焉。」

十五之二八

子曰：「人能弘道，非道弘人。」

十五之二九

子曰：「過而不改，是謂過矣。」

十五之三十

子曰：「吾嘗(cháng)終日不食，終夜不寢，以思，無益，不如學也。」

十五之三一

子曰：「君子謀道不謀食。耕也，餒(něi)在其中矣；學也，祿在其中矣。君子憂(yōu)道不憂貧。」

十五之三二

子曰：「知(zhì)及之，仁不能守之，雖得之，必失之。知(zhì)及之，仁能守之，不莊以蒞(lì)之，則民不敬。知(zhì)及之，仁能守之，莊以蒞之。動之不以禮，未善也。」

十五之三三

子曰：「君子不可小知，而可大受也；小人不可大受，而可小知也。」

十五之三四

子曰：「民之於仁也，甚於水火。水火，吾見蹈而死者矣，未見蹈仁而死者也。」

十五之三五

子曰：「當仁不讓於師。」

十五之三六

子曰：「君子貞而不諒(liàng)。」

十五之三七

子曰：「事君，敬其事而後其食。」

十五之三八

子曰：「有教無類(lèi)。」

十五之三九

子曰：「道不同，不相為謀。」

十五之四十

子曰：「辭(cí)達(dá)而已矣。」

十五之四一

師冕(miǎn)見(xiàn)，及階(jiē)，子曰：「階也。」及席，子曰：「席也。」皆坐，子告之曰：「某在斯，某在斯。」師冕出。子張問曰：「與(yǔ)師言之道與(yú)?」子曰：「然。固相(xiàng)師之道也。」

季氏第十六

十六之一

季氏將伐顓臾(zhuān yú)。冉有、季路見於孔子曰：「季氏將有事於顓臾。」孔子曰：「求！無乃爾(ěr)是過與(yú)？夫(fú)顓臾(zhuān yú)，昔者先王以為東蒙主，且在邦域之中矣，是社稷之臣也。何以伐為？」冉有曰：「夫子欲之，吾二臣者皆不欲也。」孔子曰：「求！周任有言曰：『陳力就列，不能者止。』危而不持，顛而不扶，則將焉用彼相(xiàng)矣？且爾(ěr)言過矣。虎兕(sì)出於柙(xiá)，龜(guī)玉毀於櫝(dú)中，是誰之過與(yú)？」冉有曰：「今夫(fú)顓臾，固而近於費(bì)。今不取，後世必為子孫憂(yōu)。」孔子曰：「求！君子疾夫(fú)舍(shě)曰欲之，而必為之辭(cí)。丘也聞有國有家者，不患寡而患不均，不患貧而患不安。蓋(gài)均無貧，和無寡，安無傾。夫(fú)如是，故遠(yuǎn)人不服，則修文德以來之。既來之，則安之。今由與(yǔ)求也，相(xiàng)夫子，遠人不服而不能來也；邦分崩離(lí)析而不能守也。而謀動干戈於邦內。吾恐季孫之憂(yōu)，不在顓臾(zhuān yú)，而在蕭(xiāo)牆之內也。」

十六之二

孔子曰：「天下有道，則禮樂(yuè)征伐自天子出；天下無道，則禮樂征伐自諸侯出。自諸侯出，蓋(gài)十世希不失矣；自大夫出，五世希不失矣；陪臣執(zhí)國命，三世希不失矣。天下有道，則政不在大夫。天下有道，則庶人不議(yì)。」

十六之三

孔子曰：「祿之去公室，五世矣；政逮(dài)於大夫，四世矣；故夫三桓(huán)之子孫，微矣。」

十六之四

孔子曰：「益者三友，損者三友。友直，友諒，友多聞，益矣。友便(pián)辟(pì)，友善柔，友便(pián)佞(nìng)，損矣。」

十六之五

孔子曰：「益者三樂(lè)，損者三樂(lè)。樂(lè)節禮樂(yuè)，樂(lè)道人之善，樂(lè)多賢友，益矣。樂(lè)驕(jiāo)樂(lè)，樂(lè)佚(yì)遊，樂(lè)宴樂(lè)，損矣。」

十六之六

孔子曰：「侍於君子有三愆(qiān)：言未及之而言謂之躁，言及之而不言謂之隱，未見顏色而言謂之瞽(gǔ)。」

十六之七

孔子曰：「君子有三戒：少之時，血氣未定，戒之在色；及其壯也，血氣方剛，戒之在鬪(dòu)；及其老也，血氣既衰，戒之在得。」

十六之八

孔子曰：「君子有三畏：畏天命，畏大人，畏聖(shèng)人之言。小人不知天命而不畏也，狎(xiá)大人，侮(wǔ)聖人之言。」

十六之九

孔子曰：「生而知之者，上也；學而知之者，次也；困而學之，又其次也；困而不學，民斯為下矣。」

十六之十

孔子曰：「君子有九思：視思明，聽(tīng)思聰(cōng)，色思溫，貌思恭，言思忠，事思敬，疑思問，忿(fèn)思難(nàn)，見得思義(yì)。」

十六之十一

孔子曰：「見善如不及，見不善如探湯。吾見其人矣，吾聞其語矣。隱居以求其志，行義(yì)以達(dá)其道。吾聞其語矣，未見其人也。」

十六之十二

齊(qí)景公有馬千駟(sì)，死之日，民無德而稱(chēng)焉。伯夷(yí)、叔齊(qí)餓於首陽之下，民到于今稱之。其斯之謂與(yú)？

十六之十三

陳亢(gāng)問於伯魚曰：「子亦有異(yì)聞乎？」對曰：「未也。嘗(cháng)獨(dú)立，鯉趨(qū)而過庭。曰：『學《詩》乎？』對曰：『未也。』『不學《詩》，無以言。』鯉退而學《詩》。他日又獨立，鯉趨而過庭。曰：『學禮乎？』對曰：『未也。』『不學禮，無以立。』鯉退而學禮。聞斯二者。」陳亢(gāng)退而喜曰：「問一得三，聞《詩》，聞禮，又聞君子之遠(yuǎn)其子也。」

十六之十四

邦君之妻，君稱(chēng)之曰夫人，夫人自稱曰小童；邦人稱之曰君夫人，稱諸異(yì)邦曰寡小君；異邦人稱之亦曰君夫人。

陽貨第十七

十七之一

陽貨欲見孔子，孔子不見，歸(kuì)孔子豚。孔子時其亡(wú)也，而往拜之，遇諸塗(tú)。謂孔子曰：「來！予與爾(ěr)言。」曰：「懷(huái)其寶(bǎo)而迷其邦，可謂仁乎？」曰：「不可。」「好(hào)從事而亟(qì)失時，可謂知(zhì)乎？」曰：「不可。」「日月逝矣，歲(suì)不我與(yǔ)。」孔子曰：「諾。吾將仕矣。」

十七之二

子曰：「性相近也，習相遠(yuǎn)也。」

十七之三

子曰：「唯上知(zhì)與下愚不移。」

十七之四

子之武城，聞弦歌之聲(shēng)。夫子莞爾(ě'r)而笑，曰：「割雞(jī)焉用牛刀？」子游對曰：「昔者偃(yǎn)也聞諸夫子曰：『君子學道則愛人，小人學道則易使也。』」子曰：「二三子！偃(yǎn)之言是也，前言戲(xì)之耳！」

十七之五

公山弗擾(rǎo)以費(bì)畔(pàn)，召，子欲往。子路不說(yuè)，曰：「末之也已，何必公山氏之之也。」子曰：「夫召我者而豈(qǐ)徒哉？如有用我者，吾其為東周乎？」

十七之六

子張問仁於孔子。孔子曰：「能行五者於天下，為仁矣。」請問之。曰：「恭、寬、信、敏、惠。恭則不侮，寬則得衆，信則人任焉，敏則有功，惠則足以使人。」

十七之七

佛肸(bì xī)召，子欲往。子路曰：「昔者由也聞諸夫子曰：『親於其身為不善者，君子不入也。』佛肸以中牟(móu)畔(pàn)，子之往也，如之何？」子曰：「然。有是言也。不曰堅乎，磨而不磷(lìn)；不曰白乎？涅(niè)而不緇(zī)。吾豈(qǐ)匏(páo)瓜也哉？焉能繫(xì)而不食？」

十七之八

子曰：「由也，女(rǚ)聞六言六蔽(bì)矣乎？」對曰：「未也。」「居！吾語(yù)女(rǚ)。好(hào)仁不好(hào)學，其蔽也愚；好(hào)知(zhì)不好學，其蔽也蕩；好(hào)信不好學，其蔽也賊；好(hào)直不好學，其蔽也絞(jiǎo)；好(hào)勇不好學，其蔽也亂(luàn)；好(hào)剛不好學，其蔽也狂。」

十七之九

子曰：「小子！何莫學夫(fú)《詩》？《詩》，可以興(xīng)，可以觀，可以羣(qún)，可以怨。邇(ěr)之事父，遠(yuǎn)之事君。多識(shí)於鳥獸(niǎo shòu)草木之名。」

十七之十

子謂伯魚曰：「女(rǚ)為周南召(shào)南矣乎？人而不為周南召南，其猶(yóu)正牆面而立也與(yú)？」

十七之十一

子曰：「禮云禮云，玉帛(bó)云乎哉？樂(yuè)云樂(yuè)云，鐘(zhōng)鼓云乎哉？」

十七之十二

子曰：「色厲(lì)而內荏(rěn)，譬諸小人，其猶(yóu)穿窬(yú)之盜也與(yú)？」

十七之十三

子曰：「鄉(xiāng)原(yuàn)，德之賊也。」

十七之十四

子曰：「道聽(tīng)而塗(tú)說(shuō)，德之棄(qì)也。」

十七之十五

子曰：「鄙夫可與(yǔ)事君也與(yú)哉？其未得之也，患得之；既得之，患失之。苟患失之，無所不至矣！」

十七之十六

子曰：「古者民有三疾，今也或是之亡(wú)也。古之狂也肆，今之狂也蕩；古之矜(jīn)也廉，今之矜也忿戾(fèn lì)；古之愚也直，今之愚也詐而已矣。」

十七之十七

子曰：「巧言令色，鮮(xiǎn)矣仁。」

十七之十八

子曰：「惡(wù)紫之奪(dúo)朱也，惡(wù)鄭(zhèng)聲(shēng)之亂(luàn)雅樂(yuè)也，惡(wù)利口之覆邦家者。」

十七之十九

子曰：「予欲無(wú)言。」子貢曰：「子如不言，則小子何述焉？」子曰：「天何言哉？四時行焉，百物生焉，天何言哉？」

十七之二十

孺(rú)悲欲見孔子，孔子辭(cí)以疾。將命者出戶，取瑟而歌，使之聞之。

十七之二一

宰我問：「三年之喪，期(jī)已久矣！君子三年不為禮，禮必壞(huài)；三年不為樂(yuè)，樂(yuè)必崩。舊(jiù)穀(gǔ)既沒，新穀既升，鑽(zuān)燧(suì)改火，期(jī)可已矣。」子曰：「食夫(fú)稻，衣(yì)夫(fú)錦，於女(rǚ)安乎？」曰：「安。」「女(rǚ)安則為之！夫(fú)君子之居喪(sāng)，食旨不甘，聞樂(yuè)不樂(lè)，居處(chǔ)不安，故不為也。今女(rǚ)安，則為之！」宰我出。子曰：「予之不仁也！子生三年，然後免於父母之懷(huái)。夫(fú)三年之喪(sāng)，天下之通喪也。予也有三年之愛於其父母乎？」

十七之二二

子曰：「飽食終日，無所用心，難(nán)矣哉！不有博弈者乎，為之猶(yóu)賢乎已。」

十七之二三

子路曰：「君子尚勇乎？」子曰：「君子義(yì)以為上。君子有勇而無義為亂(luàn)，小人有勇而無義為盜。」

十七之二四

子貢曰：「君子亦有惡(wù)乎？」子曰：「有惡(wù)：惡(wù)稱(chēng)人之惡(è)者，惡(wù)居下流而訕(shàn)上者，惡(wù)勇而無禮者，惡(wù)果敢而窒(zhì)

者。」曰：「賜也亦有惡(wù)乎？」「惡(wù)徼(jiǎo)以為知(zhì)者，惡(wù)不孫(xùn)以為勇者，惡(wù)訐(jié)以為直者。」

十七之二五

子曰：「唯女子與小人為難養(yǎng)也，近之則不孫(xùn)，遠(yuǎn)之則怨。」

十七之二六

子曰：「年四十而見惡(wù)焉，其終也已。」

微子第十八

十八之一

微子去之，箕(jī)子為之奴，比干諫(jiàn)而死。孔子曰：「殷有三仁焉。」

十八之二

柳下惠為士師，三黜(chù)。人曰：「子未可以去乎？」曰：「直道而事人，焉往而不三黜？枉道而事人，何必去父母之邦？」

十八之三

齊(qí)景公待孔子，曰：「若季氏則吾不能，以季、孟之間待之。」曰：「吾老矣，不能用也。」孔子行。

十八之四

齊(qí)人歸(kuì)女樂(yuè)，季桓(huán)子受之。三日不朝(cháo)，孔子行。

十八之五

楚狂接輿(yú)歌而過孔子曰：「鳳(fèng)兮！鳳兮！何德之衰(shuāi)？往者不可諫，來者猶(yóu)可追。已而，已而！今之從政者殆而！」孔子下，欲與之言。趨(qū)而辟(bì)之，不得與之言。

十八之六

長沮(jū)、桀(jié)溺(nì)耦(ǒu)而耕。孔子過之，使子路問津焉。長沮曰：「夫(fú)執輿(yú)者為誰？」子路曰：「為孔丘。」曰：「是魯孔丘與(yú)？」曰：「是也。」曰：「是知津矣。」問於桀溺，桀溺曰：「子為誰？」曰：「為仲(zhòng)由。」曰：「是魯孔丘之徒與(yú)？」對曰：「然。」曰：「滔滔者天下皆是也，而誰以易之？且而與(yǔ)其從辟(bì)人之士也，豈(qǐ)若從辟(bì)世之士哉？」耜(sì)而不輟(chuò)。子路行以告，夫子憮(wǔ)然曰：「鳥獸(niǎo shòu)不可與同羣(qún)，吾非斯人之徒與(yǔ)而誰與(yǔ)？天下有道，丘不與(yǔ)易也。」

十八之七

子路從而後，遇丈人，以杖荷(hè)蓑(diào)。子路問曰：「子見夫子乎？」丈人曰：「四體(tǐ)不勤，五穀(gǔ)不分。孰為夫子？」植其杖而芸。子路拱而立。止子路宿(sù)，殺雞為黍(shǔ)而食(sì)之，見(xiàn)其二子焉。明日，子路行以告。子曰：「隱(yīn)者也。」使子路反見(jiàn)之。至則行矣。子路曰：「不

仕無義(yì)。長(zhǎng)幼之節(jié)，不可廢(fèi)也；君臣之義，如之何其廢之？欲潔(jié)其身，而亂(luàn)大倫。君子之仕也，行其義也。道之不行，已知之矣。」

十八之八

逸民：伯夷(yí)、叔齊(qí)、虞(yú)仲(zhòng)、夷(yí)逸、朱張、柳下惠、少連。子曰：「不降其志，不辱其身，伯夷(yí)、叔齊(qí)與(yú)！」謂：「柳下惠、少連，降志辱身矣。言中(zhòng)倫，行中(zhòng)慮，其斯而已矣。」謂：「虞(yú)仲(zhòng)、夷(yí)逸，隱居放言。身中(zhòng)清，廢中(zhòng)權(quán)。我則異(yì)於是，無可無不可。」

十八之九

大(tài)師摯(zhì)適(shì)齊(qí)，亞飯干適楚，三飯繚(liáo)適蔡，四飯缺適秦。鼓方叔入於河，播鼗(táo)武入於漢(hàn)，少師陽、擊(jī)磬(qìng)襄入於海。

十八之十

周公謂魯公曰：「君子不施其親，不使大臣怨乎不以。故舊(jiù)無大故，則不棄(qì)也。無求備(bèi)於一人。」

十八之十一

周有八士：伯達(dá)、伯适、仲(zhòng)突、仲忽、叔夜、叔夏、季隨(suí)、季駟(guā)。

子張第十九

十九之一

子張曰：「士見危致命，見得思義(yì)，祭思敬，喪(sāng)思哀，其可已矣。」

十九之二

子張曰：「執(zhí)德不弘，信道不篤(dǔ)，焉能為有？焉能為亡(wú)？」

十九之三

子夏之門人問交於子張。子張曰：「子夏云何？」對曰：「子夏曰：『可者與(yǔ)之，其不可者拒之。』」子張曰：「異(yì)乎吾所聞：君子尊賢而容眾(zhòng)，嘉善而矜不能。我之大賢與(yú)，於人何所不容？我之不賢與(yú)，人將拒我，如之何其拒人也？」

十九之四

子夏曰：「雖小道，必有可觀者焉；致遠(yuǎn)恐泥(nì)，是以君子不為也。」

十九之五

子夏曰：「日知其所亡(wú)，月無忘其所能，可謂好(hào)學也已矣。」

十九之六

子夏曰：「博學而篤志，切問而近思，仁在其中矣。」

十九之七

子夏曰：「百工居肆以成其事，君子學以致其道。」

十九之八

子夏曰：「小人之過也必文。」

十九之九

子夏曰：「君子有三變(biàn)：望之儼(yǎn)然，即之也溫，聽(tīng)其言也厲(lì)。」

十九之十

子夏曰：「君子信而後勞其民，未信則以為厲(lì)己也；信而後諫，未信則以為謗(bàng)己也。」

十九之十一

子夏曰：「大德不踰(yú)閑，小德出入可也。」

十九之十二

子游曰：「子夏之門人小子，當洒掃(sǎo)、應對、進退，則可矣。抑末也，本之則無。如之何？」子夏聞之曰：「噫！言游過矣！君子之道，孰先傳焉？孰後倦焉？譬諸草木，區以別矣。君子之道，焉可誣(wū)也？有始有卒(zú)者，其惟聖(shèng)人乎！」

十九之十三

子夏曰：「仕而優(yōu)則學，學而優則仕。」

十九之十四

子游曰：「喪(sāng)致乎哀而止。」

十九之十五

子游曰：「吾友張也，為難能也，然而未仁。」

十九之十六

曾子曰：「堂堂乎張也，難與並為仁矣。」

十九之十七

曾子曰：「吾聞諸夫子：『人未有自致者也，必也親喪乎！』」

十九之十八

曾子曰：「吾聞諸夫子：孟莊子之孝也，其他可能也；其不改父之臣與父之政，是難能也。」

十九之十九

孟氏使陽膚(fū)為士師，問於曾子。曾子曰：「上失其道，民散久矣。如得其情，則哀矜(jīn)而勿喜。」

十九之二十

子貢曰：「紂之不善，不如是之甚也。是以君子惡(wù)居下流，天下之惡(è)皆歸(guī)焉。」

十九之二一

子貢曰：「君子之過也，如日月之食焉：過也，人皆見之；更(gēng)也，人皆仰之。」

十九之二二

衛(wèi)公孫朝(cháo)問於子貢曰：「仲(zhòng)尼焉學？」子貢曰：「文武之道，未墜(zhuì)於地，在人。賢者識(zhì)其大者，不賢者識(zhì)其小者，莫不有文武之道焉。夫子焉不學？而亦何常師之有？」

十九之二三

叔孫武叔語(yù)大夫於朝，曰：「子貢賢於仲(zhòng)尼。」子服景伯以告子貢。子貢曰：「譬之宮牆，賜之牆也及肩，窺(kuī)見室家之好(hǎo)。夫子之牆數(shù)仞(rèn)，不得其門而入，不見宗廟(miào)之美，百官之富。得其門者或寡矣。夫子之云，不亦宜乎！」

十九之二四

叔孫武叔毀仲(zhòng)尼。子貢曰：「無(wú)以為也，仲尼不可毀也。他人之賢者，丘陵也，猶(yóu)可踰(yú)也；仲尼，日月也，無(wú)得而踰焉。人雖欲自絕，其何傷(shāng)於日月乎？多見其不知量也！」

十九之二五

陳子禽(qín)謂子貢曰：「子為恭也，仲(zhòng)尼豈(qǐ)賢於子乎？」子貢曰：「君子一言以為知(zhì)，一言以為不知(zhì)，言不可不慎也。夫子之不可及也，猶(yóu)天之不可階(jiē)而升也。夫子之得邦家者，所謂立之斯立，道之斯行，綏(suí)之斯來，動之斯和。其生也榮，其死也哀，如之何其可及也？」

堯(yáo)曰第二十

二十之一

堯(yáo)曰：「咨！爾(ěr)舜！天之曆(lì)數(shù)在爾(ěr)躬，允執其中。四海困窮(qióng)，天祿永終。」舜亦以命禹。曰：「予小子履，敢用玄牡，敢昭告于皇皇后帝：有罪不敢赦。帝臣不蔽(bì)，簡在帝心。朕躬有罪，無以萬方；萬方有罪，罪在朕躬。」周有大賚(lài)，善人是富。「雖有周親，不如仁人。百姓有過，在予一人。」謹權(quán)量，審(shěn)法度，修廢(fèi)官，四方之政行焉。興(xīng)滅(miè)國，繼絕世，舉逸民，天下之民歸(guī)心焉。所重：民、食、喪(sāng)、祭。寬則得眾(zhòng)，信則民任焉，敏則有功，公則說(yuè)。

二十之二

子張問於孔子曰：「何如斯可以從政矣？」子曰：「尊五美，屏(bǐng)四惡(è)，斯可以從政矣。」子張曰：「何謂五美？」子曰：「君子惠而不費，勞而不怨，欲而不貪，泰而不驕(jiāo)，威而不猛。」子張曰：「何謂惠而不費？」子曰：「因民之所利而利之，斯不亦惠而不費乎？擇(zé)可勞而勞之，又誰怨？欲仁而得仁，又焉貪？君子無眾(zhòng)寡，無小大，無敢慢，斯不亦泰而不驕乎？君子正其衣冠，尊其瞻(zhān)視，儼(yǎn)然人望而畏之，斯不亦威而不猛乎？」子張曰：「何謂四惡(è)？」子曰：「不教而殺謂之虐；不戒視成謂之暴；慢令致期謂之賊；猶(yóu)之與人也，出納之吝(lìn)，謂之有司。」

二十之三

子曰：「不知命，無以為君子也。不知禮，無以立也。不知言，無以知人也。」